

殺傷人命許告到官俱被積年浸潤情熟故  
行問擬運米擺站遮掩其罪豪民愈加得志他  
日寧家無意外之慮乞

勅該部轉行江西布政司差委堂上官一員分令各府縣廉正官  
各一員單夫馬匹循行阡陌之間出給告示三箇  
月內許令逃戶前後自首遷還故土免其差徭  
三年善加撫恤所有被人占去田宅悉與判還  
本主仍取其各該里老隣佑人等保結繳部查  
勘其家逃民教師今後敢有聚集僭用各項  
器械廝打者官司鞫問明白將受惡依律科斷  
庶使豪強斂跡良善獲安

前件法司行勘禁約

成化六年三月二十日吏部尚書 等題為申明

舊制禁約事

計開

一各處訪得聽選官吏監生人等中間賢智之士固多  
其間亦有無知不才之徒悞崇狗苟以圖僥倖遂  
致小人窺視乘機哄誘或假說投託某衙門官  
轉與方便或詐稱吏部官鄉親可與囑託求計  
某官處巧捏情詞誣騙財物入己幸而偶中需  
索無厭若或不成亦侵其半及行選後尋訪  
好處官員鑒空架說勒要財物此等之徒阻懷  
違法污累官府最為害事又有等官吏監生  
恣行無賴浪費已資囊篋空虛多有揭取銀兩  
布絹及酒肉米麵食用無度積火成多或至一二  
百兩者擬約選後措還又出榜一出三五成群等收

文憑索要本利只得與有錢之家立約揭取分償  
各主贖取文憑甚者被其拘取三五箇月不行赴  
任又有一等京城小人專於在部前打聽奉放官債  
每遇選時尋探新除官員邀請到家置酒說合  
強要借與金帛銀段絹疋其不才官員陷其肥飽  
立約借取錢財營办衣裳器物置酒婢妾等項臨  
行債主遂與同到任所以一取十或被其主行使事  
或聽其說事過錢鞭扑求取唯償私債經營思慮  
則及公務少者累年不足多者終任莫償此等之徒  
最爲害治前項姦弊若不嚴加禁約誠恐弊孔  
滋漫事無成效天順年間曾有榜例人不遵守往  
往有犯合無本部再行出榜申明禁約今後但  
有假託姓名誑騙官吏監生人等財物者事發  
問罪枷號部前三箇月連當房家小發煙瘴地  
方充軍若官吏監生人等請托營求被人誑騙  
財物者一体治罪其有借人財物費用買办衣裳  
器物置買婢妾等項及與債主同赴任所取債  
者官與債主俱發口外充軍仍乞

勅錦衣衛差人密切訪察挨拏庶幾選法澄清而弊源自絕矣

禁約放債執當公文及於戶丁名下取討例

成化六年九月二十日都察院右副都御史林 題該  
巡撫山東右副都御史原傑巡撫南直隸左僉都御史邢宥  
等奏在內行仰巡視監察御史出榜轉發各該布按二司  
并直隸府州翻刊發屬常川張掛曉諭內外放債之家不分  
文約久近如係在京住坐軍匠人等揭借者止許原借之人  
名下索取不許於原籍揭取之人戶丁取討應還錢債